



羅山先生文集

三十九之四十

〇十六

和6  
1533  
16



和16  
1533  
卷16



羅山林先生文集卷第三十九目錄

小傳

王仁

觀勒曇微

吳織

橘諸兄

安倍晴明

本朝武將五十人

安於觀

本傳左錄五十八

王仁

謝前八

小傳

羅山林先生文集卷第三十九目錄

羅山林先生文集卷第三十九

小傳

王仁

王仁者百濟國人也吾應神之曆其國貢來初仲  
 哀皇帝八年有神託皇后征新羅國帝疑而不發  
 九年春二月帝俄爾崩於是皇后神功懼帝不用  
 神之言而殂落冬十月浮海至于新羅新羅王見  
 我旌旗器仗之莊麗曰傳聞東海有神國名曰日  
 本此是其神兵乎不可敵也乃素服面縛繫頸以

組自持圖籍來于海峽曰願每歲貢金銀縑帛八十船不敢屠此國也此時高麗百濟二國主聞新羅降於我密謀軍勢知其不克又自急馳納款曰從今以往永稱西藩不絕朝貢自茲三韓皆貢于我當東漢獻帝建安五年也十月不日官失之也持統文武已後其貢漸衰云應神者仲哀之子也及應神崩太子讓兄而居難波兄曰君之命也及之意也亦不即位王仁恐天下無君幾多且也而作倭歌以風諭太子太子於是乎遂即位是則仁

德皇帝也或曰王仁以毛詩教授為帝之師焉國史公曰紀貫之有言曰難波津之歌淺香山之詞共是倭歌之父母也所謂難波之歌者謂王仁也夫王仁之來于本朝也境異言殊然以周詩之六義為倭歌之六義則旨合意同謂之詩人乎謂之歌人乎至如王仁之風君則詩而周者歌而倭者捨相宜也

觀勒曇微

觀勒者推古十年十月百濟國貢來有學術獻曆

本及天文地理方術之書又曇微高麗人十八年  
三月貢來曇微善五經又有伎藝造碾磴工彩畫  
二人共僧也一云後朝廷以其才冠勅微二人云

吳織

吳織者百濟國之女土也應神十四年貢來女土  
姓吳氏以其善巧織練帛故名之曰吳織一云吳  
國人其國近于日本故沙門福亮智藏亦來不知  
孰是

橘諸兄

橘諸兄者敏達皇帝六世之孫羨奴王子者也後  
為左僕射諸兄居并手故世号之并手左大臣焉  
初左僕射之為葛城大君也侍帝傍會薦橘實帝  
取其果而與諸兄且作倭歌以祝之因賜諸兄姓  
橘氏橘氏為之鼻祖也時聖武帝天平八年冬十  
一月也帝其歌詞在萬葉倭歌集萬葉集者乃諸  
兄及納言家持等奉勅而脩之言倭歌之古風者  
莫不援萬葉集故諸兄之有功于此為大矣

國史公曰蔽芾橘樹王孫手自移栽至其滋蔓則所謂合抱之木生於毫末者歟王孫之功若其不然豈稱藤橘也哉萬葉即是橘樹之萬葉歟於鏤乎嘉橘之見植于聖武皇是以遂不得為枳

安倍晴明

安倍晴明者仲麻呂之後也就賀茂保憲學天文窮其蘊奧至於曆算推步之術無不兼習花山院寬和二年六月二十二日夜帝與式部丞藤原道兼沙門嚴久潛出宮路過晴明宅晴明適避暑于

庭仰見驚曰天象呈異天子避位何其怪哉帝聞而笑走入華山寺薙髮晴明急入宮奏事帝不在焉

自王仁至諸兄四篇者少年之作也晴明丁篇者壯年之作也編神社考時入晴明小傳於其中

本朝武將小傳

先生晚年退休屢與阿倍正之晤語正之  
 常談兵事因請擇本朝武將而後素之  
 以記小傳於圖傍乃使怨靖標出之以五  
 十人為限於是作小傳此內如義盛景時  
 重忠常胤朝政泰時賴之者非朝廷之臣  
 非將家之子則難謂之武將乎然或為帥  
 府列士之冠或執闔國兵馬之權且皆有  
 戰功則雖列武將亦不為妨乎

道臣命

以下五人

神武帝東征時道臣命奉詔率大來目發元戎  
 山登行尋八咫鳥進斬賊魁兄猶乃為齋王遂滅  
 八十島帥誠是本朝上古元勳之將也及于帝定  
 都於大和國而賜宅地于築坂邑此人初名曰臣  
 命大伴氏之祖也

日本武尊

尊者景行帝之子也容貌魁偉身長一丈有雄畧  
 有膂力會熊襲叛時尊年十六西擊熊襲斬川上

鳥帥而殲其賊類且誅吉備及難波之惡神於是  
西州悉平詔曰此天下則汝之天下也此位則汝  
之位也乃授斧鉞征東州因詣伊勢受草薙劍至  
駿河焚殺賊衆自相槓海經上總入奧列以平蝦  
夷還過常陸到甲斐信濃轉歷武藏上野遂歸尾  
張臨膽吹山巨蛇如醉而醒於是奏東州平夷之  
之狀帝大嘉之獻夷俘于伊勢神宮殂時年三十  
帝大慟哭闔國皆哀惜焉

武內宿禰

武內宿禰者孝元帝之後也歷仕景行成務仲哀  
神功應神仁德任大臣執國政本朝大臣之號始  
于茲神功皇后征新羅時武內從之遂平三韓皇  
后歸到筑紫誕應神此時忍熊王叛于中原有自  
立之志武內抱應神而與皇后異路以東遂以謀  
誘忍熊攻克之以定天位薨時封三百十餘歲其  
功高于日域其名傳于中華故八幡宮畔配祭焉

大伴金村

金村者道臣命之苗裔也仁賢崩後大臣平群真



高潛挾覬覦之志其子縮亦有無敬之狀太子大  
怒與金村相謀金村率兵戮鮪於乃樂山遂置真  
鳥宅縱火燔之真鳥伏誅太子即位是為武烈以  
金村為秋連武烈擢世皇位無嗣金村迎男大迹  
王于越列而立之繼体天皇是也金村之功不亦  
多乎大連今之  
大臣也

エチ、タキ  
朴市田來津

天智之世唐將劉仁願等攻百濟百濟乞援兵天  
智令田來津赴焉百濟王謂劉柔者戰場也宜遷

避城田來津曰避城與敵地一夜可行若有不虞  
其悔難及今敵不妄來者以劉柔之險也百濟王  
不聽都避城既而新羅取安德等要地百濟王又  
遷居列柔果如田來津之言唐將合兵攻百濟陣  
于白江時日本兵進擊唐軍唐軍自左右夾船繞  
戰日本兵敗績田來津仰天而誓切齒大嗔殺數  
十人遂死之可謂勇將焉

村國男依

壬申之役天武龍濟吉野遣男依於羨濃起兵既

而天武到伊賀徇伊勢男依以兵來會乃兼命帥  
師攻近江陷瀨田入粟津所向皆克殺戮甚多皇  
子大友自縊諸臣授首天武即位賞其戰功

大野東人

聖武帝天平十二年太宰少貳藤原廣嗣叛以掠  
九列擾遠珂營京師震動百官恐懼勅以大野東  
人為大將軍率兵討之遂進到豐前攻破賊徒既  
而廣嗣自將万騎陣于板櫃河東人督部將佐伯  
常人安倍虫麻呂會戰廣嗣敗走東人追執之於

肥前國松浦郡以謀之西海平夷凱歌奏捷或曰廣繼  
其靈乃是松浦神

藤原藏下麻呂

天平寶字之末惠美押勝謀逆自宇治奔近江官  
兵追擊之押勝到高嶋郡三尾崎與佐伯氏大野  
氏等大戰官兵疲頓藏下麻呂率兵馳至押勝引  
退官兵乘之押勝乘船而逃諸將水陸兩道攻之  
押勝衆潰而亡其妻子徒黨皆斬之藏下麻呂凱  
旋獻捷高野天皇賞其功授從三位

坂上田村

桓武帝時北狄叛田村爲副將往擊之其功居多後爲征夷將軍率兵伐之遂平與羽兩州當平城之有事也嵯峨帝使田村率兵戰勝焉田村之父源田麻呂在孝謙御宇逢押勝之變射殺訓儒麻呂於宮中者父子俱有勇功

文室綿麻呂

綿麻呂經邊戰武藝較著當弘仁大同闕牆之變也坂上田村督軍事奏請同行弘仁帝許之綿麻

呂踊躍駕馬而赴焉既而大同上皇事敗而罷其後綿麻呂奉勅討陸奥夷賊平之弘仁帝賞之叙從三位而後爲征夷將軍

藤原利仁

利仁者充大臣魚名公之後也仕延喜帝任鎮守府將軍以備北狄屢平與賊而破其窟智勇雄偉人皆畏服嘗會下野國賊起利仁奉勅往討之既到賊壘冒夜衝雪攻其無備大克斬首萬級勇名振四海其爲人勁捷踰海如飛世以爲神也子孫

繁行多任比越

藤原忠文

承平年中平將門自僭掠東關八州救忠文為征  
東大將軍擊之乃發軔在道聞賊既亡而還天慶  
年中藤原純友叛于西海又勅忠文以為征西大  
將軍往擊之純友遂就戮朝廷欲賞忠文時執柄  
藤原實賴不聽焉忠文甚恨誣實賴遂恚死

平貞盛

平將軍貞盛者桓武帝之裔也其父曰國香任常

陸大掾貞盛曾在洛遊仁和寺與其從弟將門相  
逢察彼有叛相以欲殺之未果其後將門赴東別  
殺國香遂侵奪八州自號平親王貞盛與藤秀卿  
并兵攻之大戰貞盛自發矢射殪將門乃死其為  
君討賊為父復讎有忠有孝不亦善乎親王或作新皇

藤原秀卿

朱雀院御宇平將門反東別望風而臣從時秀卿  
等率兵四千於下野國與將門相戰將門敗走秀  
卿進到下總國將門策駿馬馳戰中天而墜秀卿

斬其首以屬士卒朝廷賞秀卿功叙從四位下又賜功田永傳子孫兼任下野武藏兩國守秀卿世所云田原藤太也

小野好古

天慶年中藤原純友謀叛了伊豫國進兵掠諸列官軍多死詔小野好古為追捕使長官以統諸將伐之經播磨讚岐以入伊豫與賊相戰純友引兵徑到大宰府奪取官物於是藤原忠文奉勅西征未發好古既追純友赴宰府力戰以破之純友逃

往伊豫為橘遠保被執伏誅其黨皆平好古振旅以歸

源經基

經基達弓馬長武畧將門謀及經基在東國速告之于京師朝廷感賞之及追討節度使之東征也經基為副將又純友謀叛時經基與小野好古等同有軍功世所稱六孫王是也

源滿仲

滿仲者清和帝曾孫也以武名顯於世曾任鎮守

府將軍又為<sub>レ</sub>尤馬頭村上帝天德四年有寇盜夜  
入滿仲宅滿仲射殺之遂索得其黨冷泉帝安和  
二年左大臣源高明左降太宰權帥時源繁延等  
有叛心滿仲密奏乃捕之其黨甚多殆如天慶之  
亂滿仲與其弟滿季共執藤原千晴及其男久賴  
并僧蓮茂等皆伏其罪朝廷又安其後滿仲致仕  
居攝州立多田院其子孫累世繁榮皆推滿仲為  
嫡流始祖

源賴光

攝津守賴光滿仲之長子最有勇名任鎮守府將  
軍一條帝之世攝政藤兼家新造一條京極第有  
享宴賴光牽真駒三十疋武備濟濟之壯觀乎伊  
周配流也時賴光與其弟賴親等警固禁中非監  
衛之勤勞乎誅酒顛童子伊吹山非奇謀之勇乎  
且斬鬼同丸于市原野非手劍之捷乎射妖狐于  
春宮坊非志毅之精乎其家臣細公時貞道季武  
皆有武譽世俗稱之四天王

源賴信

賴信者滿仲子也。初以武勇與兄賴光齊名。藤保  
昌乎、惟衡乎、致賴等皆從。繼一條帝、正曆五年、賴  
信奉勅搜索群盜。後一條帝、長元元年、平忠常叛。  
于上總國、據海築城、追討使攻之、無功。時賴信在  
上野國、奉詔到上總討之。乃欲渡海攻城。然濱邊  
無舟、衆兵無奈之。何賴信慮其有淺路、乃跳馬渡  
海。衆皆從之。忠常望見之、以為神也。畏服、出降。賴  
信攜忠常入洛。忠常道死。故梟其首、以傳京師。賴  
信威名大振、任鎮守府將軍。

平惟茂

惟茂乎、兼忠子也。貞盛養之。世所稱。餘五將軍是  
也。其武名赫著于東列。一旦潛身池水、避急遽之  
難。遂得殺其寇澤。諸任又入信州戶藏山。手刃  
妖賊。其勇銳之氣、可以觀焉。

源賴義

鎮守府將軍伊豫守賴義者、賴信子也。後冷泉院  
時、安倍賴時在東奧、掠略郡邑。勅賴義討之。相持  
日久。賴時死。其子貞任宗任。猶逆。官命賴義擊之。

敵兵大銳官兵離散出羽人清原武則率眾兵而來賴義相謀屢戰屢克賊兵遂潰負任重任藤原經清平孝忠藤原重久物部維正藤原經光正綱正元等皆被斬獲宗任家任則任為元金為行則行經永藤原業近賴久遠久等皆歸降東刈平凡此役自永美六年至康平五年而十二年也賴義之功可謂莫大其威風遍及于東關之間不亦雄偉乎

### 源義家

陸奥太守源義家者鎮守府將軍賴義之子也世所謂八幡太即也是也後冷泉帝時賴義征負任宗任義家從之顯勇名堀川帝時繼父位討清原武衡家衡夷狄平伏而武功愈多源家拔群之名將也義家善馭善射每戰先驅掌叱咤而偷兒自首鳴弦而官怪乍止其威之及物亦如此乎

### 源義光

義光者義家弟也号新羅三郎初仕朝廷為刑部丞任左兵衛尉及義家赴奥別而義光宿衛禁中



既聞有武衛之變乃辭官東行會義家共擊武衛  
每戰為別將遂立其功義光素長弓馬故傳其禮  
究其秘以立家法後世習射馭者無不宗之義光  
經歷甲斐信濃常陸等數州所到皆有子孫所謂  
依竹武田小笠原等之類不可枚舉

平正盛

康和御宇對馬前司源義親違勅配出雲國在國  
猶志黷心正盛兼詔往討之義親伏罪戰功早成  
正盛子曰忠盛即是清盛父也

源為義

天仁年中賀茂次郎源義綱構兵保于近江國甲  
賀山為義奉廷命攻拔之收獲義綱而以聞其後  
奈良僧徒亂入京師事出不意京軍最之為義僅  
以十七騎逆擊于栗栖山僧徒萬餘敗走至于保  
元之亂而不逃為義朝被弑為義義家之子也或  
云義親子義家養之

平清盛

保元平治之役清盛與源氏相戰以謀略殺為義

義朝義平擅領諸國振威海內官至相國及入中  
官其生子幼而即位一族官位昇進挾幼主遷都  
福原武臣之權勢此為權輿

源為朝

為朝為義八男也膂力絕人援臂善射為義責其  
剛傲逐之鎮西故云鎮西八郎為朝居豐後國欲  
奪領九國九國人不肯從各築城以拒之為朝太  
戰二十餘回拔城數十餘壁三年之間九列皆入  
手裏自稱總追捕使時為朝年僅十五其後保元

之難與為義同奉崇德上皇之命與義朝兵大戰  
既而事敗兄弟多死為朝逃竄而後遷然被捕謫  
伊豆大嶋為朝押領諸島不輸官租嘉應之年符  
野茂光奉勅往攻之為朝放矢一船覆而兵士沒  
死官兵辟易不敢進焉為朝慮違勅之罪而自殺  
非力盡而死也壯勇之氣弓矢之勁日本古來無  
出其右者

源義平

義平者義朝長子賴朝兄也幼在鎌倉年十五歲時

將兵擊叔父義賢於武列大藏谷殺之因号惡源  
太平治之後義平入洛會義朝與平氏相戰重盛  
率五百騎入待賢門義平繞以十七騎擊走之重  
盛再督銳士五百騎進來義平又以十七騎疾戰  
破之重盛殆危僅免又攻破賴政兵既而義朝與  
清盛戰敗義平疲退其後義朝死義平微服入京  
欲殺清盛事覺就擒時歲二十其靈化為霹靂

### 平重盛

重盛者清盛長子也保元之役從在軍中平治之

亂與源氏相當數回進退雖危指揮適宜遂有大  
功其後官階昇進叙一品任內府兼左大將舉世  
畏其威懷其德者呼二十年及其拍館東北兵起  
平氏敗亡

### 源賴政

源三位賴政賴光之後也幼講武之暇善棊歌保  
元之役平治之亂率其徒屬以勤軍事先是射雲  
間之怪鳥而近衛帝之不豫乍止又二条帝時射  
落天上之鵠其射聲之妙朝野稱之後來治義之

歲木事雖不成而賴朝等之英雄從此而起其首  
謀之功不在賴政乎

### 源賴朝

賴朝以遷徙之身起自蛭嶋跳出石橋航安房到  
上總擇處鎌倉威風起而東刈草偃奉保元上皇  
之詔遣兵誅義仲遂滅平族無噍類且身自擊藤  
原泰衡而平之四方畏服勅授從二位官至大納  
言兼右近衛大將任征夷大將軍即為六十六刈  
搃追捕使故武人之爲于大君始自賴朝

### 源義仲

義仲者爲義孫義賢子也幼孤依其乳夫家在信  
別歧阻山中及其壯長有勇志号木曾冠者聞及  
賴朝舉事義仲亦起兵平信州赴上野入越後破  
城長茂軍其勢振北陸平維盛等帥兵十萬往攻  
義仲拒擊之於砥浪志保俱利伽羅谷篠原所  
平軍死者七萬人狼狽逃走義仲乘勝入京平氏  
奉幼主奔西刈義仲握兵權爲左馬頭任伊豫守  
補征夷將軍未幾洛中生變綠洞罹災西海未靜

東軍競來粟津原上白羽膏摧一榮一枯誰不成  
歎哉

平教經

能登守教經者平族之驍將也壽永之亂義仲使  
源義清擊平族教經相戰于備中水嶋破殺之其  
後到淡路殺源義嗣虜義久擊河野通信于伊豫  
走之進攻沼田氏降之攻安摩忠景于阿波忠景  
敗走紀伊人圍邊忠康救之又擊走之河野通信  
緒方惟義合兵到備前又擊却之皆教經之軍功

也屋嶋之役教經拒義經兵射殪佐藤嗣信等及  
平族之藏于垣浦也教經欲與義經急接隔舟而  
不能遂奮擊入海而死

源義經

義經潛存與剋關賴朝勃興來見乃使義經以軍  
上京進濟宇治河而義仲敗亡既而踰一谷攻其  
不意平氏奉幼帝浮海而逃於是凌疾風至屋嶋  
擊之平氏走赴長門復繼攻之二位尼平時子抱  
帝共沒濫遂擒宗盛等收鏡璽以歸奏進朝廷授

義經從五位任廷尉駕車參內後與賴朝有卻不  
令終吁吁

和田義盛

賴朝起兵時義盛與親族同往救之聞枚山敗績  
而畝島山重忠逆戰于由井義盛等破之既而賴  
朝入鎌倉以義盛為侍所別當武名愈著平族征  
伐之時賴朝使義盛屬範賴而往焉逮賴朝之擊  
奥列義盛從軍射西木戸國衡而東與平均其後  
建曆三年義盛與義時有卻遂聚兵攻幕府其子

朝夷名義秀奮戰破府門放火斬殺若干人實朝  
兵士屢拒屢敗頃之義盛勢盡與其諸子及族親  
皆多死

梶原景時

石橋之役景時脫賴朝於厄遂被寵遇及使範賴  
義經西擊平氏景時副之預議軍務二谷之戰景  
時父子先登兩回奮戰勵勇逆櫓之論雖非承突  
勢似知進退時賊壇浦之陣獲敵技群其後奧列  
之行扈從有功主恩日新威望月盛嗚呼蠅棘之

可憫兮奈孤崎之禍何

畠山重忠

重忠者源家先鋒之將也勇而有力治養之役重忠以其父重能在京故初屬平族攻三浦氏殺大介義明既而憐然率兵來屬賴朝當擊伐義仲之日重忠渡宇治河進戰有功一谷之戰亦有勇功賴朝征泰衡時重忠為先鋒進攻阿津賀志山城擊敵將秀綱破之其後武藏丹黨與兒玉黨論事相戰賴朝命重忠諭止之恩遇益渥武譽籍甚元

久二年不虞為時政被殺

千葉常胤

常胤者關東之豪士總州之甲族也賴朝初起時常胤率其子弟平均總州賴朝倚賴如父母其創鎌倉其功勞居多其後或暴露于海西或統兵于東奧曾入京師早平群盜常在幕下推稱老臣有六男子歷世保家

小山朝政

秀鄉之雲仍彌漫于東方者小山氏其尤也鎌倉

草創時源義廣不願賴朝聚兵數萬以徇郡邑朝  
政起自下野以寡擊衆力戰蒙庇遂破義廣以立  
殊功其後西海之戰與其弟結城朝光屢從行焉  
與列之役兄弟同列先鋒多得首級奉仕三代幕  
府其名超諸士

北條泰時

泰時者時政孫義時子也和田義盛侵幕府泰時  
率諸將力戰拒之漸得破之兼久之變泰時督師  
入京官軍敗潰遂使其子時氏入宮遷三上皇于

遠嶋誠是未曾有之舉也然泰時內務政事外施  
恩惠北條氏威武之及累葉也泰時之力不為不  
多

護良親王

護良者後醍醐天皇之子也早爲天台座王稟性  
剛毅有扶皇綱覆武家之大志專嗜武事勸天皇  
以東征天皇移玉座于隱岐之後護良出南都入  
紀別經歷諸邑保于吉野城時既着冠東兵來攻  
城陷護良逃出深窟畿內之間義貞圓心等之群



士密受令旨各起義兵而後勤王之師四方蜂起  
北條氏滅亡皇運乍開以護良爲征夷將軍護良  
之勲勞可謂多矣天皇之昏昧徒信凶賊之謠言  
幽囚護良于東列遂隕命于賊手悼哉惜哉

### 源尊氏

尊氏者清和源氏一流之精也其祖曾居下野國  
足利因稱足利氏世與北條修婚爲士林之翹楚  
元弘之亂歸心於官家倒戈一舉陷六波羅天王  
重祚四海一統自是女謁頻行賞罰不正平時行

作亂尊氏奉詔東征滅之威權大振遂爲武臣被  
推戴自稱征夷大將軍遂復賴朝之舊制其際東  
列京畿西海艱難備嘗凡大小數十戰如義貞之  
善戰正成之智謀皆相繼死其餘猛士群雄被擊  
殺者猶多遂開府洛中以威天下者二十五年開  
柳營十餘世之基天乎人乎果時運乎

### 源義貞

初義貞受高時之令攻千磐破城一旦賜護良皇  
子之宣矯病歸上野國遂舉義軍攻入鎌倉連戰

連克高時伏誅鎌倉平壹後醍醐之得重祚者義  
貞之功也天皇賞其忠賜上野播磨兩國未幾尊  
氏反于東州義貞奉勅往征之義貞雖屢勝遂蹙  
跌而歸京賊兵進侵京義貞與諸將合兵屢戰屢  
破之尊氏等逃到西州天皇感義貞功為左近衛  
中將頃之尊氏等襲來義貞等盡力拒之官兵累  
挫諸將多死義貞奉儲君赴北國入金崎城尊氏  
使兵攻之義貞潛出金崎金崎尋陷長子義顯死  
之義貞又聚殘兵拔越前府城勢掩北陸進到足

羽攻黑丸城中流矢而沒命矣夫

楠正成

正成本姓橘宅邊有楠樹因氏焉元弘建武之役  
帝倚賴之初在赤坂壘敵來攻之急屢拒知不能  
守詐焚死脫去再出干天王寺隅田高橋戰負歸  
洛後擄千磐破城衆軍來圍之每擊出奇計有九  
拒之勞終不能改會北條氏滅衆軍解走僵死者  
甚多帝復辟賜正成和泉河內國其後足利氏傾  
朝廷正成合戰以寡敗衆密策不少逮足利氏太

軍到攝州正成諫帝以軍謀不聽正成知可以死而往戰沒于湊川惜哉

源顯家

顯家其先出自天曆帝世為廷臣以列公卿斯以弱寇任中納言為陸奥國司建武之役聞官軍不利而率與兵上京擊破尊氏尊氏西走顯家以功任鎮守府將軍再赴其國既而西軍侵洛乘輿南轅顯家復董大軍以發途先攻鎌倉追擊義詮路中所所每戰有利嗚呼黑地河之陣官馬難進安

倍野之露戰骨不乾天命不遂可憐可哀

楠正行

正行正成子也不忘正成之遺訓常挾勤王之志含復讎之憤負和之未起義兵窺京師先與赤松氏連戰皆勝擊破京兵于藤井寺京軍又屢來攻正行每戰有利尊氏又使諸將南侵正行夜潛軍入京急襲之放火尊氏直義殆危單身僅逃尊氏妻為亂兵所殺正行在洛數十日兵威孔熾足利高經桃井直常赤松圓心等通書于正行請屬官

軍正行喜謂恢復之時來矣乃秦達之吉野帝拘  
于封國之約而不肯允正行鞅鞅失望既而京軍  
又振正行又戰于安倍野大破之遂至千四條繩  
手之役正行決意于進死與敵將師直等大戰破  
堅陣摧大兵奮激而死之嗚呼可謂忠孝可謂英  
武天運之如此悲矣哉

### 源義興

義興者義貞庶子也義貞經歷北刈時義興留在  
上野國與源頭家合兵攻鎌倉破義詮其餘處處

擊敵有功義貞沒後躋踞有年正平年中起兵與  
尊氏戰于武藏野徑入鎌倉龍破基氏陣其後在  
武藏上野之際欲聚兵謀再舉矢口之船俄然遇  
害其靈為崇祀以為神

### 源基氏

基氏者尊氏少男也居鎌倉宮以鎮關東尊氏末  
年兵革頻起且會尊氏屬續東方不靜天下殆危  
基氏率兵平不順者芳賀氏拒命基氏身將以破  
之數年之間東刈遂定威名大振年二十八而卒

惜哉

細川賴之

賴之歷仕尊氏義詮屢有軍功細川清氏者一時之勇士也賴之在四國運密策破攻其城清氏戰死南湔懷賴之惠消義詮之捐館也賴之來京師輔翼義滿誘以治道勸以武術明德之役軍謀居多此後兵革寢息足利氏得累洽之福者賴之功業之所為也

源義滿

義滿者尊氏嫡孫也十餘歲而任征夷大將軍時南方漸平率軍赴筑紫與菊池戰大勝而遂奠九別凱旋于洛明德年中山名氏清叛義滿戰于內野伐滅之應永年中大內義弘有狼心在泉塚義滿以兵討之義弘伏誅室町家累世第一名將也官至相國位昇一品薨勅贈太上天皇尊號稱其影堂曰鹿苑院

右日本武將五十人因阿部四郎右衛門正之所請而擇之作小傳也

羅山林先生文集卷第三十九終

終

羅山林先生文集卷第四十目錄

行狀

惺窩先生行狀

祭文

祭北野菅神文

祭河越菅神文

哀殤文

祭叔勝文

祭井文

宜人荒川氏復詞

羅山林先生文集卷第四目錄

祭文

祭文

祭文

行狀

羅山林先生文集卷第四十

行狀

惺窩先生行狀

先生姓藤原諱肅字欽夫播州細河邑人也其父曰為純所謂冷泉家也世食邑於細河故先生生於此永祿四年辛酉也幼穎悟不常甫七八歲投龍野吳東明長老誦心經法華等皆諳焉人呼為神童且祝髮為浮屠名曰舜東明師景雲寺長老成九峰姓大江氏所謂儒而入佛也先生從事

筆研其所出自可知矣博學禪教兼見群書弱歲  
來洛洛之相國寺普廣院泉和尚者先生叔父也  
當時推泉為強記泉嘗謂眾曰我對尊首座則難  
開口其所居曰妙壽院後歸播見赤松氏善遇之  
故從赤松氏遊于洛于伏見之間先生雖讀佛書  
志在儒學天正十八年庚寅朝鮮國使通政大夫  
黃允吉金誠一許箴之來真豐臣秀吉公命館之  
紫野大德寺先生往見三使互為筆語且酬和詩  
時先生自號柴立子許箴之為之說以呈焉有

相者見先生曰公是精神滿腹太聰明曰唯自聰  
明可也大字如何相者曰是公之癖也先生笑而  
不言十九年辛卯博陸侯豐臣秀次令長老周保  
聚五山詩僧於相國寺題詩聯句先生初一會而  
後不復赴眾強之不肯或談秀次旨而詰先生先  
生掉頭曰夫物以類聚如韃盃相若而後聯句可  
也若否則如隻腳著木屐隻腳著草鞋與其不耦  
也必矣吾不欲耦于侷也秀次不悅先生避之赴  
肥前那護屋見豐臣某金吾金吾者秀吉公之猶



子貴豪少年也時時潑水激人滿座如雨以為歡  
笑每見先生必敬之停此戲一日金吾拔童刀削  
撒金匣厨金盤如視州芥先生諫曰公子雖富貴  
而不宜為之事則不當為也金吾納其言是時有  
朝鮮之役秀吉公在那護屋列國諸軍從之

源君

御諱公

同來會先生始獲謁見既而先生行

遊豐之後別為西海之壯觀文祿二年癸巳赴武  
列之江戸執謁於源君命令讀貞觀政要閑暇  
作四景我有文為東關之遨遊又旋洛僑居環堵

蕭然讀聖賢性理之書思當世無善師而忽奮發  
欲入大明國直到筑陽汝溟渤逢風濤漂著鬼海  
鳴先生常慕中華之風欲見其文物雖然其盛志  
不遂而歸先生以為聖人無常師吾求之六經足  
矣慶長之初少將豐臣勝俊號長嘯子好詠倭歌  
且多藏書聞先生名而招之共晤語評論六義風  
流蘊藉又摘莊老數語以告其崖略朝鮮刑部負  
外郎姜沆來在赤松氏家沆見先生而喜日本國  
有斯人俱談有日矣沆曰朝鮮國三百年以來有

如此人吾未之聞也吾不幸雖落于日本而遇斯  
人不亦大幸乎沈稱先生所居為廣胖窩先生自  
稱曰惺窩取諸上蔡所謂惺惺法也本朝儒者博  
士自古唯讀漢唐註疏點經傳加倭訓然而至于  
程朱書未知什一故性理之學識者鮮矣由是先  
生勸赤松氏使姜沆等十數輩淨書四書五經先  
生自据程朱之意為之訓點其功為大又取文章  
辨體考之本集加寫釋箋且增其所未載者數百  
篇用捨隨意撰定為編名曰文章達德錄復以今

時人不知作文規格故招集古今名公詩話文評  
撰著達德錄綱領若干卷使田貞順相允等繕寫  
之世醫意庵宗恂見先生先生問其術相共語屢  
及曆數運氣病論方劑之事術技術有進以此先  
生戲語人曰我非問彼彼來問我而已先生以為  
我久從事於釋氏然有疑于心讀聖賢書信而不  
疑道果在茲豈人倫外哉釋氏既絕仁種又滅義  
理是所以為異端也於是赤松氏聞之遣童男婢  
奴奉仕焉先生不拒又勸別構一室安聖牌以擬

大成殿試使真順等諸生辯釋奠禮此禮既絕久矣庶幾以微漸而後遂大行也四年己亥治部少輔石田三成居佐保山使戶田內記某召先生將往而不果明年庚子三成敗死於是赤松氏自殺先生甚慟秋九月幕下入洛先生深衣道服謁幕下欲聽其言時有浮屠和尚承兌及靈三者與先生舊相識頗自負文字掌侍秀吉公公歿仕于幕下時兌為僧司錄謂先生曰有真有俗今足下棄真還俗我不唯惜執拂拈錘手而已又為

叢林惜之先生曰自佛者言之有真諦有俗諦有世間有出世若以我觀之則人倫皆真也未聞呼君子為俗也我恐僧徒乃是俗也聖人何廢人間世哉兌不悅或人招先生承兌靈三壁間掛草書一幀皆不能讀先生即能讀之或曰凡草寫者難讀真書者易讀先生曰不然能讀真者亦能讀草衆益不悅一座皆驚一日先生在御前讀漢書及東萊十七史等或時兌謂先生曰今若勘合船渡大明則以足下為專對乎曰遣明使亦有利乎

曰有曰有利則和尚自為之豈其使我為之哉先生亦不欲出意謂夷齊雖不仕周亦當知武王之恩四皓雖不仕漢亦當知高帝之恩况於草莽乎遂隱居放言人罕見者九年甲辰賀古宗隆偶居洛道春初見先生于宗隆宅論道學評文章床上有論語大全開之叩以數條先生為之辨析且告曰今所問我亦十餘年前嘗有此疑也又曰我非翅嘉其利智只嘉其志而已伶俐者世多有而立志者寡矣又揭陸舟二字令道春作說不覺日之

晚也時去翌日寄手簡曰深衣一領道服一領以備製法深衣兼依國服之式春遂製逢掖以著之且作陸舟說以呈之先生語宗隆曰近時皆驢鳴犬吠也故久廢筆研今夫道春起予者韓山片石可共語耳自茲往還不絕春呈四書知新日錄先生曰此吾未見之書也不日而還曰道春且復注意而者歟春同母弟東舟子永喜初見先生先生曰令弟亦志學乎可謂奇矣先生欲見象山文集而世罕有焉春始購一通以示之先生悅使紹元

者寫之又欲見周禮儀禮全經春復搜周禮全經  
于秘府以呈之先生愈悅十一年丙午長嘯子在  
東山別墅招先生吟風弄月信宿而去此歲先生  
赴南紀蓋太守淺野幸長招之也其所待充謹弱  
浦有管神廟太守請先生誌其碑銘又為太守抄  
經書要語三十件許添倭字之註解為一小冊便  
于真褚備於顧諟是為政之存心資治之守約也  
太守甚喜此時元古栢允從行戶田帶刀為春永  
原松雲等屢來訊請先生講古文真實其以太守

盼睽渥厚故遊于紀冬往春還者有年矣一旦道  
春惜別而餞先生手自執延平答問書曰此延平  
工夫之心法紫陽傳習之門戶也今我示之非無  
意也乃謝去既而道春遊官赴于駿府其後意庵  
之子如見杏庵正意得庵玄東道庵三清等有詩  
而謁見先生十八年冬及秋八月紀別太守淺野  
幸長不祿先生哀之乃往弔之以埋太守齒骨於  
高野山故先生遂登鼎峰哭畢而歸先生好山水  
愛花草嘗與真順遊西山順父了意有心道決桂

川漕自丹波先生駕一葉以沂洳焉所到所見題  
其名而賦倭歌所謂群書巖氣象巖浪華隈鳥船  
灘觀瀾磐陀是也道春歸自駿州往訪先生先生  
植竹於南庭庭前有都勾樹故其往履尺牘自稱  
曰竹處又稱都勾墩洛北市原山中有百餘弓地  
先生欲與道春俱行遊市原春有公務而不果先  
生時時獨往乘興吟詠春與後藤即共奏白請建  
庠序於洛教授生徒乃許令相從擇勝以縱觀之  
幕下謂即曰道春自欲居庠序歟別置誰歟對

曰妙壽院歟時適有大坂之軍而其事遂閣不果  
有肖推寺某者家頗藏書來問先生者數矣或時  
某見窓前蜂窠欲殺之先生以其無螫故止之某  
起揚扇頻欲撲之先生遂放蜂後與肖推寺絕交  
戶田左門氏鐵問通鑑綱目先生開首卷講溫公  
名分論先生所居在相國寺東鄰為春道庵同里  
開故先生每病多飲道庵藥嘗戲曰我無藥價彼  
不責價道圓新餒白氏文集先生每一二卷板成  
不待全部先取而見之曰我讀香山詩文愛其風

流偶爾是可慰悅目下先生常慕彭澤之為人也  
故古畫彭澤小影往往題贊焉且見林兆恩桃  
源寓言有云武陵人捕魚為業者謂心之活鱖如  
魚之悠然自樂也山有小口豁然開朗者謂方寸  
地雖狹而心本廣大也避秦時亂者謂離俗塵也  
後遂無問津者謂心學之不明于後世不行于天  
下也先生讀之至此微笑曰此所謂陶淵明有志  
於我道也元和五年己未夏五月源君御諱公  
設自東武而入洛侯伯群卿大夫皆從之細川越

列太守忠利聞先生之言論甚慕之忠利與淺野  
采女正長重相善長重者幸長弟也共會先生忠  
利等請講大學先生為折衷衆說以告之先生閱  
林子良背心法有云背字從北從肉北方屬水陰  
也南方屬火陽也南之而居前北之而居後今以  
心之火之南而洗之以背之水之北者周易所謂  
洗心退藏於密也先生以良其背兼山良故自號  
曰北肉山人所謂不以其山而僻之而以天下萬  
世之山以為山者天下萬世之山人也斯其為孔

孟之山人也豈巢許者流哉此歲道春以揭夕顏  
巷三字於小軒告先生先生曰夕顏巷字音哉於  
是作倭歌並序以寄道春焉秋九月十二日先生  
卒歲五十九先是戶田氏等相謀請先生而懇通  
執事者徐白幕下幕下亦嘗知之然以時而  
未急茲先生易簣嗚呼命矣哉昔宋帝召程明道  
為宗政寺丞未至而告終君子深惜之又為斯世  
惜焉雖然用則行舍則藏命不足言也斯人如是  
命耶非耶先生幼學至壯不怠出入於釋老閱歷

予諸家燕書日本記萬葉集歷代倭歌詩文等其  
間讀聖賢書而後棄異學醇如也故精義捭理殆  
如破竹未曾勞其力也嘗曰我所讀人所讀其文  
義何異然則諸儒註疏凡識字者皆可讀唯所貴  
則得之言表而可也凡知先生者推稱中興之明  
儒不知先生者妄以為無師無傳夫道一而已矣  
人能弘道不可須臾離也有見而知者有私淑者  
有百世之下而興起者有千里之遠而一揆者故  
百姓日用而不知昔仲尼沒千有餘年周茂叔獨



接不傳之統道不在茲乎若先生則是歟是又我朝之景運天下文明五星聚奎之際歟不亦盛乎豈以一時一人之私言疑天下萬世之公論哉春所見聞僅記其畧而况於其所未及見聞者乎先生已沒其片言隻字落于人間或獲者珍藏之其殘藁遺書纔存者將行于世先生左眉傍有黑點三寸餘眼有重瞳子平居雖斷髮不冠然或餘其項髮不厭長人甚異之而憚其嚴不能問其故性嗜酒然或經旬不沾唇或痛飲輒醉而不亂常不

好往來親遠然接入欣然則竟日坐談不已或有來問者隨其人品以教誨焉然如撞鐘則或小鳴或大鳴矣先生不出而道益高於當時先生能言而道益行於後世者乎以此歲某月某日葬先生于萬年山相國寺某院某地某林疊石而封樹之細川氏淺野氏戶田氏其外吊者多矣先生有男小字曰冬有女既笄矣先生歿後明年庚申某月某日羅浮子道春謹狀

按先生作此行狀屢易草藁又有親筆一

通參考之則互有詳畧異同然今以行於世  
清書載於此

祭文

祭北野管神文

并詩 慶長七年作

年月日臣某敢用蘋蘩之奠昭祭于天神之靈曰  
夫伏以北野天滿大自在天神者管公丞相之靈  
也本朝所謂四道之儒其一曰紀傳者為之宗  
昌泰末遭世固極貶太宰府都督而殞其身嗚

呼哀哉仕官而至將相下言而為節法是皆古今  
之所榮天地之所化者也蘇子曰其生也有自來  
其逝也有所為故在天為星辰在地為河嶽幽則  
為鬼神明則為人是則孟子所謂浩然之氣也乃  
至若其於歟生無所降誕於滅後以為天神或時  
對尊意而吐哺或時逢道賢以立誓文救前代之  
衰弊道建後世之儒學則此豈非幽則為神明則  
為人浩然而獨存者乎何屑彼之申呂降穆岳傳  
說騎箕尾方朔化歲星者之類哉傳云女無羨醜

入官見妬士無賢不肖入朝見嫉公亦然故公之  
精誠能生丁夜松飛千里梅而不能解昌泰帝之  
惑也能奮六丁雷降洪水雨而不能逃藤時車之  
讒也能信於天下之民廟食于西府于北野而不  
能使其身久安於朝廷之上永終於師保之位矣  
蓋公之所能者天也故為威德夫公之所不能者  
人也故見忌於諸人竊惟我國之儒術專託聖廟  
之翼佐焉事於筆研之間遊于翰墨之場者不可  
不以仰其德嚮其化也是歲慶長七年壬寅二十

有五日正當七百年之忌辰殆及四千二百之甲  
子靈歲日新感應月盛嗚呼天乎神乎不測之不  
測者也矣於是作詩以祀之其詞曰

天滿天神聞出才桂枝寔主甲科魁風騷為僕屈  
宋儘氣吞曹劉臆生堆壓倒元白踊且踏昌泰年  
中位三台下為濁世掃塵埃政德仁明遍尤埃自  
舌大材多忌猜浸潤層受眾相借絆羈騁馳驚  
蹄遂充遷于西海隈抱憂含悲疏是裁訴梵告釋  
肝耐摧怨懟彌增命乃隕天下人民餘至哀神靈

奮激將下災尊意駭汗鴨河涸榴火燃雨坊戶灰  
取彼讒人投果豺豺虎不受投果甕硃磬忽震清  
涼陔佞臣以斃幽恨開諸天會聚蓮華臺藏玉滿  
德共徘徊北野有松西府梅廟食百世感應催遺  
蹤存七百年來米澗之毛野之菜于沼于泚水之  
涯維筵維管代玉璫彼汗彼潦滿清壘于以奠之  
神廟階祭也如存尚歆哉

祭河越管神文

寬永三年二月十七日道春再拜敬白夫惟武別  
三芳野天神者自洛之北野所奉移祭歷代久矣  
當初雖為管曹之儒首後世推稱祭域之靈神神  
者無所不之也故洋洋乎無所不在是以信則必  
感格祭則必來享社稷憑之豐贍疾病賴之除退  
嗚呼明德與梅花久馨貞節共松樹長茂宜乎人  
之崇奉焉誰不敬之哉今茲丙寅仲春余從台  
駕到河越邑時聞余之兒叔勝在洛嬰疾而余甚  
憂之天性之愛所不可忍也余性素雖拙苟慕儒

風常尊神德且叔勝年未至志學聊弄筆觀粗識  
文字其遠大未可測也神既有儒名有儒行想其  
不捨之也伏願神使假年於此而遂其所學則神  
之賜也謹詣廟前中心密禱庶幾使叔勝永拜神  
之賜而益慕儒名愈仰儒行以尊神德也丹誠不  
盡素願在茲欽薦蘋蘩以致默禱道春再拜敬白

哀殤文

慶長十  
年作

惟日月之肇兮 焜而升乎九天將謂夫痘疹耶憂

不遇乎菊泉

大明醫家菊泉  
泉養痘疹全書

亦以為癩疾耶哀厥藥

之推愆惟摩頂以放踵兮矧紙犢復含飴食母死  
而歎兮侍兒狂如白癡席上空所有兮惟滿首之  
玩好房中其所見兮惟周身之襁褓衆人皆吊我  
兮來吾道天中情淚下其如霰兮根卜商之失期  
朋友僉慰余兮動以天守以約推其家之有無兮  
慕孔聖之無樟想母之誕汝兮寤驚而遂瘖矣嗚  
呼悲失噫兮宿草拱木之墓嗟三歲之夢兮惟若  
妣乃我述時其不可忘兮覺今夏而昔秋倏忽焉

來去兮昊天不弔而不假之年止堪下輿之間兮  
聚者散者終古長今誰其使然哉

按惺寤寄 先生書曰祭文一首誰其為誰  
某之製文哉不審太平足下之高乎乎若然  
則嗚乎代他人而為之歟云此文 先生  
不直呈之惺寤傳見之而有此語乎

祭叔勝文

維寬永六年歲舍己巳冬十月壬子朔道春祭叔

勝之靈曰嗟嗟我子叔勝逝既十旬也何忘天性  
之慈仁也夏之日秋之夜念之糜七苗也無時無  
處淚不沾巾也汝幼在兒輩中異群倫也庶乎恻  
之篤孝之純也忽欲蹈泗上之遺塵也而辨醇疵  
於孟荀也惟其勤學之諄諄也所期逢掖之無若  
新也今茲汝歲殆及程子之初讀魯論也加旃追  
風乎閨闈也明窓淨几五經紛綸也忠信篤敬書  
諸紳也常思頌為席上之珍也豈意不幸而早殞  
厥身也而今而後使誰之子其哀此心之茅此道

之榛也獨悲我家之少一人也嗟嗟死生之理傳  
火於薪也是為物之精無方之神也縱不得金環  
于羊家隣也只願如顧非熊之再有生辰也惟丁  
氣之幹旋洪鈞也焉知其死而不亡者為真也中  
心惻怛號泣于蒼旻也予以薦澗毛與白蘋也魂  
而有靈當識父子有親也汝母之哀與我心均也  
嗚呼悲哉尚享

祭井文

正保二年  
七月作

夫井之為靈也水由地中行伏見不測鑿地得水  
到處皆然井之為德也寒泉養人浸灌施物不可  
一日無之物也嗚呼后上天冥之舉其靈顯其德  
人皆賴焉方今雖有子貢之桔槔而省其勞然安  
知無葛洪之丹砂之含其氣汲之不盡日用有餘  
譬諸民之於仁宜哉飲者皆不爽口滌煩濯病溫  
冷適時唯其所用而移鄜縣之菊潭於此尚嚮

宜人荒川氏後詞

嗚呼哀哉配我以來既四十八年宜家宜人闡軌  
 淑焉季春初二空房嗒然其日何日啼淚漣漣  
 戒巫陽招魂于天魂歸來兮東有蝦夷毒箭控弦  
 魂歸來兮南海漫漫長鯨吞舫魂歸來兮西有羯  
 虜擾亂山川魂歸來兮北胡韃馬飛如鷹鷂魂歸  
 來兮欲上天而雲不可以穿欲入地而隄不可以  
 及泉魂歸來兮汝有室汝有筵魂歸來兮決不歸  
 來使我悄悄嗚呼魂而有靈兮何不乘此香煙嗚

呼哀哉痛哉唯願窈窕之來前

明曆二年丙申三月二十一日  
 林道春硯與淚同瀉以書

羅山林先生文集卷第四十終



61

羅山文集卷四十一

十六

羅山先生文集卷四十一  
 十六  
 此處有非常模糊的淡藍色印文或殘存文字，因色淡且模糊，難以辨認。

